

STAIR NA AHÉIREANN I 100 RÉAD, ROGHA DÍOBH PLEAN CEACHTA RANG 5 AGUS 6

Slabhra sclábhaí Lochlannach deireadh an naoú haois nó tús an deichiú haois



An áit ina bhfuil an réad seo le feiceáil

Ard-Mhúsaem na hÉireann - Seandálaíocht,
Sráid Chill Dara, Baile Átha Cliath 2
[Clliceáil anseo chun tuilleadh eolais a fháil](#)

Cuir cuairt ar an músaem in áirithe

[Clliceáil anseo chun tuilleadh eolais a fháil](#)

NAISC CHURACLAIM

Stair

Sraith:	Scéal
Aonad Sraithe:	Scéalta faoi shaol daoine a mhair san am atá caite
Sraith:	Daoine de chuid luath-thréimhsí agus sochaithe ársa
Aonad Sraithe:	Na Lochlannaigh

Gaeilge

Sraitheanna:	Teanga labhartha; scríbhneoireacht
Aonad Sraithe:	Mothúcháin agus samhlaíocht a fhorbairt trí theanga

OSPS (Oideachas Sóisialta Pearsanta agus Sláinte)

Sraith:	Mise agus an saol mór
Aonad Sraithe:	Saoránacht a fhorbairt

Drámaíocht

Sraith:	Drámaíocht trína scrúdaítear mothúcháin, eolas agus smaointe, rud as a leanann tuiscint
Aonad Sraithe:	Comhoibriú agus cumarsáid le linn dráma a chumadh

ACMHAINNÍ

- Ní hinfheidhme

CUSPÓIRÍ

- Eolas a fháil ar ghnéithe de Bhaile Átha Cliath in aimsir na Lochlannach
- Tú féin a chur in ionad na ndaoine a tógadh mar sclábhaithe.
- Aitheantas a thabhairt do na n-aisc idir saol na ndaoine an tráth sin agus saol na ndaoine sa lá atá inniu ann.

MEASÚNACHT

Drámaíocht
Scribhneoireacht chruthaitheach

DIFREÁIL

Drámaíocht

CEACHT

- Cuir íomhá den shlabhra sclábhaí Lochlannach ar taispeáint.

Léigh scéal an tslabhra sclábhaí Lochlannaigh

Moltar go n-éistean na leanaí gan an téacs a fheiceáil ar an scáileán, rud is féidir leo a dhéanamh níos déanaí.

Plé B

- Céard é seo?
- Cén úsáid a baineadh as?
- Cén ról a bhí ag Baile Átha Cliath sa trádáil sclábhaithe?
- Ar measadh go raibh tábhacht d'aon chineál ag sclábhaithe?
- Dar leat, conas a mhothaigh an bhean sa scéal nuair a thuig sí go raibh sí ina sclábhaí?
- Dar leat, conas a mhothaigh úinéirí na sclábhaithe nuair a chuaigh siad chuig ceant chun sclábhaí a cheannach nó a dhíol?
- Céard faoina teaghlach a fágadh ina diaidh? Conas a mhothaigh siadsan?
- Dar leat, cad a bhain dóibh?

Gníomhaíocht - Drámaíocht: diancheistiú

*Measúnacht
Difreáil*

Glacann dalta amháin ról úinéir an sclábhaí a cheannaigh an bhean sa scéal faoin slabhra. Glacann an dalta sin le ceisteanna. Cuireann na daltaí eile ceisteanna ó thaobh dhearcadh na mná de, e.g. conas a tháinig tú chun bheith i d'úinéir sclábhaithe? Cén fáth gur cheannaigh tú mé?

Tuilleadh faisnéise do mhúinteoirí

- An dóigh leat go bhfuil sclábhaíocht ann sa lá atá inniu ann?

Luaitear na naisc seo a leanas le láithreáin ghréasáin mar ábhar faisnéise cúlra chun an plé sa rang a éascú. D'fhéadfadh íomhánna agus faisnéis de chineál íogaireach a bheith ann sna láithreáin sin a mhéid a bhaineann le leanaí áirithe.

Inscne

Ar fud an domhain, tógtar 75 milliún cailín as an scoil go formhór chun cabhair a thabhairt i dteaghlach an-bhocht.

Saighdiúirí linbh

Tá 300,000 saighdiúir linbh, idir bhuachaillí agus chailíní, ann sa domhan sa lá atá inniu ann.

Dúshaothrú leanaí

Oibríonn 215 milliún leanbh ar bhonn lánaimseartha sa lá atá inniu ann. Ní théann siad ar scoil agus is beag an méid ama atá acu chun súgradh a dhéanamh, sin nó ní bhíonn aon am acu chun súgradh a dhéanamh.

Tuilleadh oibre - pleananna ceachta

Inscne (Éire agus an domhan i mbéal forbartha)

Saighdiúirí linbh

Dúshaothrú leanaí

CEACHTANNA BREISE

Scríbhneoireacht chruthaitheach

Measúnacht

- Is iriseoir tú agus cónaí ort i mBaile Átha Cliath in aimsir na Lochlannach. Tugann tú cuairt ar an gceant agus scríobhann tú tuairisc do do nuachtán faoin méid a fheiceann tú ansin.

Réada a chuireann na daltaí ar fáil

- Iarr ar na daltaí réada atá tábhachtach ina stair theaghlaigh féin a thabhairt isteach leo.
 - A. Déan físeán de na daltaí agus iad ag caint faoina réad.
 - B. Cruthaigh fóta-scéal trí úsáid a bhaint as réada na ndaltaí. Tá nasc le fáil thíos le háiteanna ina bhfaighfear mínithe ar fhóta-scéal agus ar bhlagáil. Labhraíonn na daltaí faoi na híomhánna ina bhfeictear iad féin agus an réad. Téigh ó dhalta go dalta. Beidh gach dalta sa rang le feiceáil agus le cloisteáil sa chur i láthair.

Seirbhís Forbartha Gairmiúla do Mhúinteoirí: [Conas úsáid a bhaint as fóta-scéal](#)
[Conas do fhóta-scéal a bhlagáil](#)

- Cuirtear A nó B ar fáil ar láithreán gréasáin na scoile.

Stair áitiúil

- An bhfuil réad is díol spéise ann i gceantar na scoile?